

Отан қорғаушылар күні құтты болсын!

Аялаймын сені, Қызылорда!



Ақмешіт

6 мамыр
сенбі

№36 (1943)

2023 жыл

Газет
1994 жылдың 15 сәуірінен
бастап шығады

• Қалалық қоғамдық-саяси әлеуметтік-
ақпараттық тарихи-танымдық газет •
E-mail: akmeshit.kz@mail.ru

апталығы

ЕЛ ҚОРҒАУ ОҢАЙ МА?



Сурет ашық дереккөзден алынды

Бұл мекемені әскери өмірдің алғашқы баспалдағы деуге болатын шығар. Ел басына күн туса ең алдымен Отан қорғаушыларымыз алдыңғы шептен көрінетіні рас. Ал мұнда соған лайықты азаматтарды әскерге аттандырып, әскери міндеттілермен дайындық жүргізеді. Қаладағы қорғаныс істері саласының тыныс-тіршілігін білу мақсатында қалалық Қорғаныс істері жөніндегі басқарма басшысы, полковник Алмас Чункуновпен кездесіп, әңгімелескен едік.

Қайсыбір әскери мекеме болсын ішіне құпия бүгіп, сырт көзге тыныштық сыйлап тұрғандай әсер береді. Біз барған бұл ұжымның ішкі жұмысы қауыр. Көзге көрінбейтін, көпшілік біле бермейтін тіршілігі мен басқарманың жұмыс барысын мекеме басшысы Алмас Тілеуқабылұлы таныстырды.

– Жұртшылық біздің мекемені тек мерзімді әскерге шақыру, жөнелтумен ғана байланыстырады. Мұнда негізінен бірнеше бағытта жұмыс жүреді. Біріншісі – жұмылдыру ісі деп аталады. Яғни, азаматтардың соғыс жағдайына дайын болуы үшін оларды уақытылы әскери дайындықтан өткізуді қамтамасыз етеміз. Бұған бірінші кезекте әскери міндеттілер жұмылдырылады. Одан бөлек әскерге бармаған азаматтар да тартылады. Ал екінші бағытымыз – мерзімді әскерге шақыру. Көктем, күз мезгілінде жастарды Отан алдындағы борышын өтеуге шақырамыз. Бұдан бөлек, мекеменің қаржылық ахуалы

мен ішкі тәртіптік жұмысы бар. Ең негізгісі – жұмылдыру ісі мен әскерге шақыру, – дейді басқарма басшысы Алмас Чункунов.

Әскери саладағы қызметкерлерге үлкен жауапкершілік артылған. Ел басына күн туса, алаң-еңен шақта елдің тыныштығын сақтап, қорғанысын қамтамасыз ететін осы әскерилер. Сондықтан әскери міндетті азаматтарды жауынгерлік дайындықтан өткізудің мәні зор. Бұл – жыл сайын екі рет өткізілетін әскери жиын.

– Бұл шараға көбіне әскери міндеттілер жұмылдырылады. Әскери міндеттілерге қорғаныс, ішкі істер саласында жүрген мамандар жатады. Оның ішінде әскери борышын өтегендері бар, заң аясында әскерге барудан босатылған қызметкерлер бар. Олар жылына бір, кейде екі мәрте 1 ай көлемінде оқу-жаттығу жиынына қатысады. Жауынгерлік дайындықтан өтушілер әскери техниканы қолдануды, жүргізуді, атуды үйреніп, күндізгі және түнгі жаттығу дайындығынан өтеді. Жауынгерлік дайындықтан өткендер келесі 3 жылға дейін жиынға қатыспайды. Тек мерзімі келгенде ғана қайта даярлықтан өтеді, – дейді полковник.

Мұндай дайындықтан өтуге әсіресе, әскерге бармаған азаматтар тартылады екен. Себебі әскери өмірді көрмегендіктен жауынгерлік қабілеті шыңдалмаған, білмейтін көп. Аса маңызды жиынға қатысушы әскери міндеттілердің жасы 18

жастан бастап әскери шеніне қарай 40-45, офицерлер 55-60 жасқа дейінгі аралықты қамтиды.

Иә, ел басына күн туған шақта алдымен жауынгерлік дайындықтан өткен әскерилер ғана қорғаныс шебіне алынады. Қарсы келген дұшпанның көзін жоюда әрбір ұтымды әдіс, тиімді тәсіл жеміске жетелейді. Сол үшін оның қыр-сырын игеру сын шақта емес, алдын ала ұйымдастырылады.

Басқарманың тағы бір жауапты міндеті – азаматтарды мерзімді әскерге шақыру. Отан алдындағы борышын өтеу – барша ер жігіттің басты міндеті. Десек те сол міндетін атқаруға азаматтардың көбінің құлшынысы жоқ. Мұны басқарма басшысы Алмас Тілеуқабылұлы да жасырмады.

– Қазір жастар арасында әскери борышын өтегісі келетін белсенді азаматтар аз. Дегенмен Отан алдындағы борышынды өтеу міндет. Сондықтан жыл сайын көктем-күз мезгілінде мерзімді әскерге шақырту жұмыстарын жүргіземіз. Мәселен, көктемгі әскерге шақыру шарасы бойынша 200-ден аса азамат әскерге баруы тиіс. Қазіргі таңда оның 49-ы шекара қызметінде әскери міндетін атқаруға кетті. Енді 15 мамырға дейін Қарулы күштер саласы бойынша 100-ге жуық азамат баруы тиіс. Бұдан кейін Ұлттық ұланға 80 ер жігітті жіберсек деп жоспарлап отырмыз. Көктемгі әскерге шақыру жұмысы маусым айының аяғына дейін аяқталады, – дейді ол бізбен әңгімесінде.

2 БЕТТЕ

Биыл Ұлы Отан соғысының аяқталғанына 78 жыл толады. Сұрапыл соғыс жылдарында кеудесін оққа тосқан батырларымыз қатары күн санап сиреп барады. Бүгінде аймақта Ұлы Отан соғысына қатысқан 6 ардагер бар.

БАТЫРҒА ҚҰРМЕТ – БҮГІНГІ МІНДЕТ



Отан үшін от кешкен ардагерлерді құрметтеу – бейбіт заманда дүниеге келіп, тыныш күнде тіршілік кешіп жүрген баршамыздың міндетіміз. Десе де оларға үлкен қолдау мен құрмет мемлекет тарапынан орын алуы тиіс. Бұл бағытта жыл сайын соғыс ардагерлеріне бір реттік жәрдемақы беру үрдісі қалыптасқан-ды. Дәстүрлі қолдау шарасы биыл да жалғасын таппақ.

Облыстық жұмыспен қамтуды үйлестіру және әлеуметтік бағдарламалар басқармасының басшысы Ғабит Жаңабаев мереке қарсаңында ардагерлерге 1 млн 500 мың теңге көлемінде бір реттік жәрдемақы тағайындалатынын айтады. Сонымен қатар екі мыңнан астам тыл және оған теңестірілген ардагерлерге 138 мың теңге көлемінде қаржы беріледі деп жоспарлануда.

– Жыл сайын Ұлы Отан соғысы ардагерлеріне әлеуметтік қолдау шаралары жүргізіледі. Биыл да бұл үрдістен жаңылмай өңірімізден шыққан соғыс ардагерлерін құрметтеу шарасы ұйымдастырылады. Қазіргі таңда аймағымызда 6 Ұлы Отан соғысының ардагері мен оларға теңестірілген 4177 азамат бар. Оларға мемлекет тарапынан ай сайын орта есеппен 178 мың теңге зейнетақы және 55200 теңге арнаулы мемлекеттік жәрдемақы төленуде. Ал соғыс жылдарында қажырлы еңбегі мен мінсіз әскери қызметі үшін бұрынғы Кеңестік Социалистік Республикалар Одағы ордендерімен және медальдарымен марапатталған 10 ардагерге 207 мың теңге көлемінде қаржылай жәрдемақы беріледі. Сонымен қатар мамыр айының 6-сы мен 10-ы аралығында ардагерлерге арналған қайырымдылық акциясын ұйымдастырамыз, – дейді басқарма басшысы Ғабит Жаңабаев.

Бүгінгі бейбіт, жайлы өміріміз үшін жауынгер ардагерлердің алдында қашанда қарыздармыз. Өкініштісі сол, жыл өткен сайын батырлардың қатары азайған. Бүгінде қалада соғыс ардагерлерінен Әбдірахман Бәйтіков пен Төлеген Жүнісов бар. Отан үшін от кешіп, болашақ ұрпағының тыныш ұйқысы үшін жанын қиған жауынгерлердің есімі мәңгілік ел есінде сақталары анық.

А.ӘЛІМ

Фото архивтен

СОҒЫСТАН ҚАЙТҚАН СОЛДАТТАР



2 БЕТТЕ

Редакциямызға бір оқырман-ның хабарласты. Өзін Жанат Әуесбай деп таныстырған оқырман Жеңіс мерекесі қарсаңында қуанышы қойнына сыймай тұрғанын жеткізді. Қуанатындай жөні бар. Себебі биылғы Жеңіс мерекесі ол үшін ерекше. Жеңіс туы желбірегеніне қанша уақыт өтсе де, соғыста қаза болған нағашы атасының бұгінде қайда жерленгенін таба алмай келген. Нағашыларының, анасының мереке сайын көңілі тыншымай, осы бір міндетті орындай алмадық деген уайымын жүзіндегі мұңнан айтпай-ақ

түсінетін қызы Жанат нағашы атасын іздеуге өзі кіріседі. «Сауда Орманов менің нағашы атамның ағасы, яғни ол кісі де нағашым ғой, артында із-тиімді тұсы да сол, осындай іздеу жұмыстарымен айналысатын сайттарға хабарласып, хат жазып, хабар алыстық. Бірде «Қызыл крест» арқылы іздеуге

65 жылдан соң табылған жауынгер мекені

дейтін ұрпағы болмаған соң, атамның бір аманатындай көріп, іздеуге кірістім. Оңай болған жоқ. Қолдағы бар деректерді пайдаланып, жан-жаққа хат жаздым. Цифрлы әлемнің бір кірістім. Нәтижесінде нағашы атамның ағасы жерленген жерді таптым» дейді оқырман жүрегі жарыла қуанып...

2 БЕТТЕ



«Әжеңіз керек емес пе, маған беріңіз...»

4 БЕТТЕ

